



ურთიერთთანამშრომაბის მემორანდუმი

სსიპ - დავით აღმაშენებლის სახელობის
საერთოებლო
ეროვნული თავდაცვის აკადემიასა

და

შპს მართვისა და კომუნიკაციის
საერთაშორისო სასწავლო უნივერსიტეტი
„ალტერბრიჯი“-ს

შორის

ურთიერთთანამშრომლობის მემორანდუმი

სსიპ - დავით აღმაშენებლის სახელობის საქართველოს ეროვნული თავდაცვის
აკადემიასა და შპს მართვისა და კომუნიკაციის საერთაშორისო სასწავლო
უნივერსიტეტი „ალტერბრიჯი“-ს შორის

სსიპ - დავით აღმაშენებლის სახელობის საქართველოს ეროვნული თავდაცვის აკადემია (შემდგომში - „აკადემია“) წარმოდგენილი რექტორის, ბრიგადის გენერალ მალხაზ მაკარაძის სახით და შპს მართვისა და კომუნიკაციის საერთაშორისო სასწავლო უნივერსიტეტის „ალტერბრიჯი“-ს (შემდგომში - „უნივერსიტეტი“), წარმოდგენილი მისი რექტორის, ნათია გოცაძის სახით (შემდგომში - „მხარეები“), ანიჭებენ რა, განსაკუთრებულ მნიშვნელობას აკადემიასა და უნივერსიტეტს შორის განათლების სფეროში თანამშრომლობის დამყარებასა და განვითარებას;

აღიარებენ რა თითოეული მხარის ინტერესებსს, ხელი შეუწყონ საგანმანათლებლო სივრცის განვითარებას;

ეყრდნობიან თანასწორობისა და ურთიერთპატივისცემის პრინციპებს, თანხმებიან შემდეგზე:

1. მემორანდუმის საგანი

წინამდებარე ურთიერთთანამშრომლობის მემორანდუმით (შემდგომში - მემორანდუმი) მხარეები თავიანთი კომპეტენციის ფარგლებში, საქართველოს კანონმდებლობის შესაბამისად, გამოხატავენ და ადგენენ, განათლების სფეროში ურთიერთთანამშრომლობის საერთო მზადყოფნას.

2. მემორანდუმის მიზანი

მემორანდუმის მიზანს წარმოადგენს თანამშრომლობა მხარეთა საერთო ინტერესების სფეროში შემავალ აქტუალურ საკითხებზე, ერთობლივი პროფესიული და სასწავლო-საგანმანათლებლო პროექტების, ღონისძიებების დაგეგმვა და განხორციელება.

3. მემორანდუმის ამოცანები

მემორანდუმის ამოცანებია:

- 3.1. აქტუალურ საკითხებზე ერთობლივი სამუშაო შეხვედრების, კონფერენციების, სემინარების ორგანიზება;
- 3.2. საერთო ინტერესების სფეროში შემავალი საკითხების კვლევა და სასწავლო-საგანმანათლებლო პროექტების განხორციელება;
- 3.3. ორმხრივი ინტერესის სფეროში შემავალი ინფორმაციის გაცვლა;

- 3.4. ორმხრივი თანხმობის შემთხვევაში, საკუთარი კომპეტენციის ფარგლებში, ერთობლივი სასწავლო პროგრამების შემუშავება ან/და კონსულტაციის გაწევა აღნიშნული პროგრამებისა და მასალების შემუშავების პროცესში;
- 3.5. ორმხრივი თანხმობის შემთხვევაში, სასწავლო ტრენინგ-კურსების განხორციელება;
- 3.6. საჭიროების შემთხვევაში, საერთაშორისო პროექტებში ერთობლივი მონაწილეობა;
- 3.7. თანამშრომლობის მიზნების მისაღწევად კანონმდებლობით ნებადართული სხვა ღონისძიებების განხორციელება.

4. მხარეთა უფლებამოსილებანი

- 4.1. თანხმობის საფუძველზე, მხარეებს უფლება აქვთ, ერთობლივი ღონისძიებების ჩატარებისა და ერთობლივი პროექტების განხორციელებისათვის, გამოიყენონ მეორე მხარის კუთვნილი რესურსები;
- 4.2. მემორანდუმი არ ითვალისწინებს მხარეებს შორის რაიმე სახით და/ან ფორმით ფინანსური ვალდებულებების წარმოშობას, თუ სხვა რამ არ იქნა დადგენილი დამატებითი შეთანხმების საფუძველზე.

5. ფორსმაჟორი

მხარე, რომელსაც ფორსმაჟორული გარემოებების გამო ხელი შეეშლება თავისი ვალდებულებების შესრულებაში, არ უნდა იქნას განხილული ამგვარი ვალდებულებების დამრღვევად და ფორსმაჟორულ გარემოებათა შედეგების შესაძლებულებლად გამოიყენებულ უნდა იქნას ყველა შესაძლო საშუალება. ამავე დროს მხარეებმა ერთმანეთთან უნდა აწარმოონ კონსულტაციები წინამდებარე მემორანდუმის შემდგომი განხორციელების საშუალებებზე.

6. მემორანდუმის მოქმედების ვადა და შეწყვეტა

- 6.1. წინამდებარე მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს განუსაზღვრელი ვადით;
- 6.2. მიზეზის დასახელების გარეშე წინამდებარე მემორანდუმის გაუქმება შესაძლებელია მეორე მხარისათვის 15 (თხუთმეტი) კალენდარული დღით ადრე წერილობითი შეტყობინების მიწოდების საფუძველზე;
- 6.3. კონკრეტული მიზეზის მითითებით მემორანდუმის გაუქმება შესაძლებელია მეორე მხარისათვის 7 (შვიდი) კალენდარული დღით ადრე წერილობითი შეტყობინების საფუძველზე;
- 6.4. მემორანდუმის გაუქმების შემდეგ მხარეები (მათი შესაძლებლობების ფარგლებში) ვალდებული არიან, განახორციელონ ყველა შესაბამისი და აუცილებელია ღონისძიება მემორანდუმის ფარგლებში დაწყებული პროექტების დასასრულებლად.

7. დასკვნითი დებულებები


- 7.1. მხარეებს შორის კომუნიკაცია ხორციელდება წერილობითი ფორმით (ფოსტის ან ელექტრონული ფოსტის მეშვეობით);
- 7.2. მხარეთა ორმხრივი წერილობითი შეთანხმების საფუძველზე, მემორანდუმში შესაძლებელია შეტანილ იქნას ცვლილებები და დამატებები, რომელიც მემორანდუმის განუყოფელ ნაწილს წარმოადგენს.

7.3. მემორანდუმის შესრულებასა და განმარტებასთან დაკავშირებული სადავო საკითხები გადაიჭრება მხარეთა შორის კონსულტაციებისა და მოლაპარაკებების გზით. შეთანხმების მიუღწევლობის შემთხვევაში, დავას განიხილავს საქართველოს სასამართლო.


7.4. მემორანდუმი შედგენილია ორი თანაბარი იურიდიული მალის მქონე ეგზემპლარად და ინახება მხარეებთან.

მხარეთა რეკვიზიტები და ხელმოწერა

სსიპ - დავით აღმაშენებლის სახელობის
საქართველოს ეროვნული თავდაცვის აკადემია

რექტორი

ბრიგადის გენერალი მალხაზ მაკარაძე

შპს მართვისა და კომუნიკაციის საერთაშორისო
სასწავლო უნივერსიტეტი „ალტერბრიჯი“

რექტორი

ნათია გოცაძე

მის: ცხინვალის გზატკეცილი, მე-3 კმ. გორი,
საქართველო

ვებგვერდი: www.eta.edu.ge
ელ.ფოსტა nda@mod.gov.ge
ს /ვ 218083222

მის: ბაგები, წყნეთის გზატკეცილი N67

თბილისი, საქართველო
ვებგვერდი: Alterbridge.edu.ge
ელ.ფოსტა info@alterbridge.edu.ge
ს /ვ 405284473